



Comune di Budoni

# AVVISU PA' LU CAMBIU DI LU SITTU WEB SIREDD CUN UN SITTU NÓU ROSS 1000

**Abboi illu tirrittóriu cun la Regioni Saldigna**

**La Regioni Saldigna Assessoratu di lu Turismu infolma chi la di 3 di lu mesi d'Abbrili è appustata la chjusura di lu sittu web SIREDD trattatu finz'abali pa' la gestioni e la comunicazióni di li presenzi turistichi.**

A lu postu di lu SIREDD l'Assessoratu di lu Turismu, di l'artigianatu e di lu cummèciu di Regioni Saldigna ponarà a dispusizióni di tutti l'operadóri turistichi di la ricettivitai (bon'accasaghju) lu sittu web ROSS-1000 chi poltarà nói manéri pa' cunnisci li presenzi di li turisti in tutta la regioni.

ROSS-1000 è un sittu web fàccili di trattà e intuitivvu chi offri umbè di silvizi in agghjunta a chissi chi erani dispunibbili finz'abali e faci in modu di rindì lu trabaddhu chi v'è di fà più sèmplici.

Cun chistu sittu si podarani fà tutti li cosi chi li réguli dummandani, fèndi in modu chi lu trabaddhu chi vi ò pa' falli sia più cultu e ponarà a dispusizioni statistichi e indicadóri pa' agghjutà illa gestióni di l'attivitai, miminendi li sbagli e fendi paldì dimancu tempu a l'óparadóri.

Tra li scòppi più ìmpulanti vi sò:





Comune di Budoni

- La trasmissione di dati di lu muimentu turisticu pa' la rilevazioni di l'ISTAT;
- Attivitai pa' gisti l'arriata ,la paltènzia di li turisti (check-in/check-out) e appiù si podarà gisti lu calendariu, attrezzu uttili pa' li strutturi chi no àni ghjà un sittu pa' gisti l'occupazioni di li stanzi e pal mezu di chistu sittu arani la possibilitai di gestì li prenotazioni nòi, avvigliendi in dugna momentu la disponibilitai chi àni;
- inuiu automaticu di li dati di la pubblica siguranzia a lu sittu web di la Questura;
- agghjutu pa' calculà la `mposta di soggiornu;
- stampa di li `nfulmazioni di dà a li stragni innantu a la risilvatesa di li dati;
- funzioni pa' cunfruntà lu trabaddhu chi dugnunu faci cun chissu di l'alti strutturi;
- statistichi sempri nòi pa' agghjutà li strutturi a fà pulittichi di prumuzioni pa' dà valori a la propria attivitai.

Appiù ROSS-1000 è integratu cun più di 130 programmi (software) di gestioni di l'allogghji, dunca li strutturi turistici chi ghjà trattani un programma di chisti podarani invià li dati in manéra sèmplici e lestru, pal mezu di chisti manéri:

- garrigà (upload) li documenti fatti da lu programma cun fulmatu (.txt e .xml);
- invià li dati in manéra automatica pal mezu di lu silviziù web (web service), siddhu chi chista è una manéra pussibbili illu programma.

Chistu sittu è trattatu a livellu nazionali da lu Ministeru di lu Turismu com'è modellu pa' li rilevazioni di li dati pa' lu turismu, è trattatu abali in 11 Regioni Italiani e da più di lu 70% di li strutturi ricettivi innantu a lu tirritoriu nazionali chi lu tratta dugna dì cun risultati bòni.





Comune di Budoni

Pa' rindì più fàccili lu passaghju di l'innóvazioni, chistu Assessoratu, in collaborazioni cun lu "Gruppu Infulmatica e Silvizi GIES Srl" (societai chi produci lu programma ROSS-1000) à appustatu ciurràti di fulmazioni innantu a tuttu lu tìrritoriu regionali, chi àni com'e miramentu chissu di prisintà lu sittu nóu a l'oparadóri, di spiegà li funzionalitai, avvilguà comu funziona e frunì tutti li 'nfulmazioni più 'mpulanti.

Chist'abboi sò pa' tutti l'oparadóri e si faciarani illi nostri tìrrittóri sighendi lu calendariu assintatu chici infattu:

- **la dì 22 di lu mesi di Malzu di lu 2023 (22/03/2023)**  
a paltì da li 9 e mezu di matinata (09:30) - **Tarranóa** illa stanza di li Conferenzi indrentu a lu Museu Archeologicu, illu molo Brin
- **la dì 22 di lu mesi di Malzu di lu 2023 (22/03/2023)**  
a paltì da li 3 e mezu di la sirintina (15:30) - **Nùaru** ill'Auditorium di lu Museu di lu Costumu, Carréra Antoni Mereu, 56
- **la dì 23 di lu mesi di Malzu di lu 2023 (23/03/2023)**  
a paltì da li 9 e mezu di matinata (09:30) - **Tortolì** ill'Istitutu Tecnicu Industriali di Tortolì, Carréra Antoni Scorcu, 12

